



# Халқ сўзи

Ўзбекистон — келажги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2017 йил 12 июль, № 136 (6830) Чоршанба

Сайтмига ўтиш учун QR-коднинг телефонингиз орқали сканер қилинг.



## ЎЗБЕКИСТОН ПРЕЗИДЕНТИ ТУРКМАНИСТОН ВАЗИРЛАР МАҲКАМАСИ РАИСИНИНГ ЎРИНБОСАРИ — ТАШҚИ ИШЛАР ВАЗИРИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 11 июль куни Тошкентга амалий ташриф билан келган Туркменистон Вазирлар Маҳкамаси Раисининг ўринбосари — ташқи ишлар вазири Рашид Мередовни қабул қилди.



Учрашув аввалида давлатимиз раҳбари дўст Туркменистон халқига ва Президент Гурбангули Бердимухамедовга ўзининг чуқур хурматини изҳор этди ва самимий саломини йўллади.

Сийёсий, савдо-иқтисодий, транспорт-коммуникация ва маданий-гуманитар соҳаларда ўзаро муносабатлар изчил ривожланиб, мустақамланиб бораётгани мамнуният билан таъкидланди.

Ўзбекистон Президентининг Туркменистонга шу йилнинг март ойидаги илк давлат ташрифи, май ва июнь ойларида «Аваза» сайёҳлик зонаси ва Қозоғистон пойтахти Остонадаги амалий учрашувлар, шунингдек, икки дав-

лат раҳбарларининг мунтазам мулоқотлари Ўзбекистон билан Туркменистон ҳамкорлигини сифат жиҳатидан янги босқичга олиб чиққани ва Стратегик шериклик тўғрисидаги шартнома қондаларини амалга оширишни таъминлаётгани қайд этилди.

Айни пайтда келишувларга мувофиқ, Ўзбекистон ва Туркменистон компания ва корхоналари қиймати 200 миллион доллардан зиёд қўшма ташқи савдо шартнома ва битимларни амалга оширмоқда.

Қишлоқ ҳўжалиги машинасозлиги соҳасида тизимли ва узоқ муддатли ҳамкорлик йўлга қўйилди, Туркменистонга навбатдаги пахта териш машина-

лари, культиватор ва бошқа замонавий техникалар етказиб берилди. Шу ойда Ашхободда Савдо-сервис маркази ўз фаолиятини бошлайди.

«Ўзбекистон темир йўллари» акциядорлик жамияти корхоналари базасида Туркменистон темир йўллари ҳаракатланувчи таркибини таъмирлаш ва модернизация қилиш ишлари олиб борилмоқда.

Туркманобод — Фароб автомобиль ва темир йўл кўприклари очилгач, мамлакатларимиз ўртасида транзит ташишлар ҳажми сезиларли даражада кўпайди. Ўзбекистоннинг фақат темир йўл орқали Туркменистон ҳудудидан ўтган экспорт юклари ҳажми 25 фоиз ошди.

Маданий-гуманитар соҳада ҳам ҳамкорлик жадал ривожланмоқда. Тошкентда Ашхобод боғини ташкил қилиш ишлари бошланди. Сентябрь ойида спортчиларимиз Туркменистон пойтахтида ёпиқ иншоотларда ва жанг санъатлари бўйича бўлиб ўтadigan навбатдаги Осиё ўйинларида иштирок этади.

Сўхбат чоғида мамлакатларимиз ўртасида амалий ҳамкорликни кенгайтириш, стратегик шерикликни мустақамлашга қаратилган янги йўналишларни белгилаш ва истиқболли лойиҳаларни биргаликда амалга ошириш масалалари муҳокама этилди.

Томонлар минтақавий ва халқаро сийёсатнинг долзарб масала-

лари юзасидан ҳам фикр алмашдилар.

Туркменистон Вазирлар Маҳкамаси Раисининг ўринбосари — ташқи ишлар вазири Рашид Мередов Президент Гурбангули Бердимухамедовнинг Ўзбекистон халқи ва унинг раҳбари Президент Шавкат Мирзиёевга чуқур хурмати ва эзгу тилакларини етказди. Р. Мередов Туркменистон икки давлат ўртасидаги кенг қўламли ҳамкорликни янада ривожлантиришга тайёр эканини таъкидлади.

Ў.А.

Фарҳод ҚУРБОНБОЕВ ва Ёлқин ШАМСИДДИНОВ олган суратлар.

### МУНОСАБАТ

Давлатимиз раҳбарининг жорий йил 7-8 июль кунлари Наманган вилоятига ташрифи давомида халқ билан мулоқот, жойларда ўтказилган ижтимоий-иқтисодий лойиҳалар тақдими чоғида билдирган фикрлари, ҳудудни янада ривожлантириш ва аҳоли турмуш фаровонлигини юксалтириш борасида белгилаб берган вазифалари вилоят аҳоли янги марралар сари ундамоқда. Айни пайтда корхона, ташкилот ва муассасалар ҳамда фуқаролар ўзини ўзи бошқариш органларида мазкур вазифалар ижросини таъминлашга қаратилган чора-тадбирлар белгилаб олинапти.

## Ҳудуд тараққиётида муҳим босқич

Муродхон ВАЛИЕВ, Тўрақўрғон туманидаги «Gold Fresh Fruits» масъулияти чекланган жамияти раҳбари:

— Президентимиз ташриф чоғида интенсив боғларимиз, шунингдек, бир қатор мевасабзавотчилик ҳўжалиқларининг лойиҳалари билан ҳам яқиндан танишди. Адирлиқлар бағридаги 482 гектар майдонда гилос, олма ва шайбонга кўчатлари ўтказилган. Хориждан келтирилган ва Тўрақўрғон заминига мослашган бу нўхллар парваришида замонавий боғдорчилик технологияларидан кенг фойдаланаялмиз. Бизнес лойиҳамизда етиштирилган ҳосилни қайта ишлаш алоҳида белгилаб. Унга мувофиқ, 6,5 гектар жойда мевасабзавотларни қайта ишлаш,

сақлаш ва қадоқлаш логистика маркази ташкил этилади. Бу ерда тайёрланадиган махсулотларнинг деярли барчаси экспортга чиқарилади.

Давлатимиз раҳбари фаолиятимизни кўздан кечириб экан, адир ерларни ўзлаштириш ҳисобига гилосзорларни 1000 гектарга кенгайтириш, бу ишга тадбиркорларни жалб қилиш ва Тўрақўрғонда водий боғдорчилик мактабини ташкил этиш вазифасини ўртага қўйди. Буларнинг ҳаммаси қишлоқ ҳўжалиқининг даромадли соҳаси бўлган боғдорчиликни янада ривожлантириш, заминимизда етиштирилган няматларда экспортни кўпайтиришда муҳим асос бўлиб хизмат қилади.

(Давоми 2-бетда).

### 2017 ЙИЛ — ХАЛҚ БИЛАН МУЛОҚОТ ВА ИНСОН МАЊФААТЛАРИ ЙИЛИ

Шу кунларда жойларда бўлиб ўтаётган сайёр қабуллар аҳоли маЊфаатлари, ҳуқуқ ва эркинликларини ишончли муҳофаза этиш, одамларнинг ўз ҳаётидан рози бўлиб умргузаронлик қилишларини кафолатлашга қаратилгани билан аҳамиятлидир. Оқдй халқ вакиллари билан очик, қизгин ва самимий тарзда уюштирилаётган учрашувлар давомида фуқароларимизни қийнаб келаятган турли муаммо ҳамда масалалар ўз жойида ечим топаётгани «Халқ давлат идораларига эмас, давлат идоралари халқимизга хизмат қилиши керак», деган тамойилнинг изчил рўйбини юзага чиқармоқда.

### Қисқа

## сатрларда

• Тошкент вилояти, Чиноз туманида Президентимизнинг 2017 йил 13 июнь куни суд органлари тизимида одил судловни таъминлаш борасидаги ишларнинг аҳоли, муаммолар ва истиқболдаги вазифаларга бағишланган видеоселектор йиғилишида «Қонун ва адолат устуворлигини таъминлаш — барча эзгу мақсадларимизга эришишнинг энг муҳим шарт» мавзусида сўзлаган маърузасини ўрганишга бағишланган давра суҳбати ташкил этилди.

• Қаршида Фуқаролик жамияти шаклланишини мониторинг қилиш мустақил институти Қашқадарь вилояти ҳудудий бўлинмаси ташаббуси билан ижтимоий-маънавий муҳит барқарорлигини мустақамлаш, аҳоли, хусусан, ёшлар орасида турли оқимларга кириб кетишининг олдини олиш, бунда оила, таълим муассасаси ва маҳалла ҳамкорлигининг муҳим йўналишлари мавзусида илмий-амалий конференция ўтказилди.

• Миллий матбуот марказида Ўзбекистон стандартлаштириш, метрология ва сертификатлаштириш агентлиги томонидан анжуман ташкил этилди. Унда 2017 йил 28 апрелда Президентимизнинг «Ўзбекистон стандартлаштириш, метрология ва сертификатлаштириш агентлиги фаолиятини такомиллаштириш чора-тадбирлари тўғрисида»ги қарори ижроси, шунингдек, «Халқ билан мулоқот ва инсон маЊфаатлари йили» Давлат дастури доирасида амалга оширилаётган чора-тадбирлар юзасидан маълумот берилди.

• Ўзбекистон давлат консерваториясида Ватанимиз мустақиллигининг 26 йиллигига бағишлаб ташкил этилган «Ягонасан, муқаддас Ватан!» кўрик-танловининг Олий ва ўрта махсус таълим вазирлиги тизимидаги яқуний босқичи бўлиб ўтди.

«Халқ сўзи» мухбирлари хабарлари асосида тайёрланди.

### Рашид МЕРЕДОВ:

## ЭРИШИЛГАН КЕЛИШУВЛАР ИЖРОСИ ТАҲЛИЛ ҚИЛИНДИ

Туркменистон Вазирлар Маҳкамаси Раисининг ўринбосари — ташқи ишлар вазири Рашид Мередов Ў.А. мухбирига мамлакатимизга амалий ташрифи чоғида бўлиб ўтган учрашув ва музокаралар ҳақида сўзлаб берди:

— Ўзбекистон Республикаси Президенти Шавкат Мирзиёев билан учрашув шарафига муассар бўлганимдан хурсандман.

Туркменистон Президенти Гурбангули Бердимухамедов билан Ўзбекистон Президенти Шавкат Мирзиёевнинг очик, ишончли, дўстона муносабатлари мамлакатларимиз ўртасидаги ҳамкорлик ривожига асос бўлмоқда. Кенг қамровли, ғоят самарали алоқалар халқларимиз маЊфаатларига хизмат қилмоқда.

Учрашувда Шавкат Мирзиёев мамлакатларимиз ўртасидаги муносабатларни юқори баҳолади. Ўзбекистон Президентининг жорий йил март ва май ойларида Туркменистонга ташрифларида эришилган келишувлар ижроси таҳлил қилинди. Ўзаро ҳамкорликни янада ривожлантириш истиқболлари муҳокама этилди.

Савдо-иқтисодий муносабатлар изчил ривожланмоқда. Бу борадаги сайё-ҳаракатлар, вазирлик ва ҳўжалик субъектлари ўрта-

сидаги алоқалар қўлаб-қуватланмоқда.

Ўзбек ва туркман халқлари қардош, яқин қўшни. Бизнинг тарихимиз бир, тилимиз, қадриятларимиз муштарак. Бу маданий-гуманитар ҳамкорлик ривожига муҳим омил бўлмоқда. Таълим, санъат, маданият, спорт ташкилотлари, мамлакатларимиз ҳудудлари ўртасидаги дўстона алоқалар тобора мустақамланмоқда.

Делегациямизга кўрсатилган иззат-икромдан миннатдоримиз. Мамлакатларимиз ва халқларимиз ўртасидаги ҳамкорлик ва қардошлик алоқалари янада мустақамланишидан маЊфаатдоримиз.

Ў.А.

## Яқин қўшничиликнинг ёрқин намунаси

Ўзбек ва қозоқ халқлари ўртасида асрлар давомида шаклланган, тарих синовларидан ўтган қардошлик ришталари бугун Ўзбекистон Республикаси ҳамда Қозоғистон Республикасининг ташқи сийёсатидаги дўстона муносабат, яқин ҳамкорлик алоқалари жараёнида тобора мустақамланмоқда.

### ЖАРАЁН

Зеро, давлатимиз раҳбари таъкидлаганидек, «Ўзбекистон ва Қозоғистон яқин қардош ва асрлар давоми-

да синалган дўстлардир». Кеча М-39 Тошкент — Термиз халқаро автомобиль йўлининг қўшни Қозоғистон орқа-

ли ўтган қисми юртимиз энгил автомобилларининг қатнов учун қайта очилгани ана шу биродарликнинг яна бир амалий ифодаси бўлди. Натижада Ватанимиз пойтахти-ни мамлакатимизнинг жанубий ва шимолий вилоятлари билан боғлайдиган масофа сезиларли даражада қискарди. Шунингдек, йўлдаги тизимлик ҳамда ортқича ёнилги сарфига барҳам бериладиган бўлди.

Президентимизнинг 2017 йил 26 апрелдаги «Ўзбекистон — Қозоғистон Давлат чегараларида «Оқолтин» ва «Малик» автомобиль ўтказиш пунктларини очиб тўғрисида»ги қарорига биноан очилган мазкур ўтказиш пунктлари фаолияти тезкор ва хар жиҳатдан қулай ташкил этилгани эса эътиборга моликдир.

(Давоми 2-бетда).

### Савдо-саноат палатаси:

## ТАДБИРКОРЛИК РИВОЖИДА ЯНГИЧА ЁНДАШУВ

Бизнесни муваффақиятли йўлга қўйиш учун нима керак? Самарали фаолият юритишга-чи? Бу борада тадбиркорларнинг фикри билан қизиқсангиз, уларнинг деярли барчаси «Ишончли ҳуқуқий ҳимоя ва эркинлик», деб жавоб беради.

Шу ўринда яна савол туғилади: юртимизда ишбилармонлар ҳуқуқларининг қонуний кафолати яратилганими ёки йўқ?!

Албатта, яратилган! Мустақил тараққиёт йилларида айни шу мақсадда ўнлаб қонунлар, Президент

Фармон ва қарорлари қабул қилинди. Ҳеч иккиланмасдан айтиш мумкин, уларда тадбиркорлик соҳасининг ташкилий-ҳуқуқий асоси тўлиқ ўз ифодасини топган. Аммо мазкур ҳужжатларнинг жойлардаги ижроси барқарор таъмин-

ланмаётгани аҳолининг ишбилармонлик кайфиятига салбий таъсир кўрсатмасдан қолмаяпти. Бундай

### ФАРМОН ВА ИЖРО

шароитда қандай йўл тутган маъқул?

— Энг аввало, ишбилармонларда ишонч уйғота олиш зарур, — дейди Ўзбекистон Республикаси Савдо-саноат палатаси раиси биринчи ўринбосари Ислам Жасимов.

— Чунки одамлар бизнесни катта таваккал билан бошлайди. Банкдан кредит олиш учун эса ҳатто шахсий мол-мулкни гаровга қўяди. Бу жараёнда юртдошларимиз, айниқса, чет эллик инвесторлар келгусида эмин-эркин фаолият кўрсатиб, иқтисодий самара олиши учун ҳуқуқий ҳимоя тизими яратилганига ишонч ҳосил қилиш ўта муҳим. Ваҳоланки, Ўзбекистонда бизнес юритиш учун барча шарт-шароит мавжуд.

Давлатимиз раҳбарининг ташаббуси билан бугунги вазият чуқур таҳлил этилган ҳолда, кичик бизнес ва хусусий тадбиркорликнинг иқтисодий ва ижтимоий ривожига ҳамда аҳоли бандлигини таъминлашдаги ролини янада ошириш, энг асосийси, соҳанинг қонуний ҳимоясини кучайтириш мақсадида тамомил янги тизим яратилмоқда.

(Давоми 3-бетда).





## «ФИДОЙИНГ БЎЛГАЙМИЗ СЕНИ, ЎЗБЕКИСТОН!»

## Соғлом турмуш тарғиботи

Ўрта Чирчиқ туманидаги Тошкент вилояти Маънавият ва маърифат марказида «Фидойинг бўлгаймиз сени, Ўзбекистон!» шиори остида тадбир бўлиб ўтди.

Республика Маънавият тарғибот маркази вилоят ҳокимлиги билан ҳамкорликда уюштирилган мазкур акция давлатимиз раҳбарининг «Ўзбекистон Республикаси давлат мустақиллигининг йигирма олти йиллик байрамига тайёргарлик кўриши ва уни ўтказиш тўғрисида» қарори ҳамда «Ижтимоий барқарорликни таъминлаш, муқаддас динимизнинг софлигини асраш — давр талаби» мавзудаги анжуманда сўзлаган маърузасида қўйилган вазифалар ижросига бағишланди.

Унда жойларда мустақиллигимизнинг 26 йиллигига қизгин ҳозирлик кўрилаётгани, бу жараёнда пойтахт вилояти аҳлининг ҳам муносиб ҳиссаси борлигига алоҳида ургу берилди. Шу билан бирга, бугунги мураккаб даврда гоёвий ва ахборот хуржлари, улар ортида турган кучларнинг ғаразли мақсадларини фож этишда ёшларимизни билимли ва юксак маънавиятли қилиб тарбиялаш муҳим ўрин тутгани ҳақида сўз юритилди.

— Тадбирда қатнашиб, айниқса, бир вақтлар йўлидан адашган кишиларнинг қилган хатоларидан надоми, аммо бугунги кунда ҳаётга, эртанги кунга бўлган чексиз ишончи ифодаланган хаяжонли сўзларидан қаттиқ таъсирландим, — дейди меҳнат фахрийси Исмаилов Неъматиллаев. — Улар айти пайтда юртимизда бўлаётган ўзгаришлар ҳақида фикр билдириб, ўзларига кўрсатилган эътибор ва ғамхўрликдан бехад миннатдор эканликларини изҳор эттишти.

Вилоят маданият бошқармаси томонидан саҳналаштирилган соғлом турмуш тарғиботига доир спектакль намойиши эса иштирокчиларга манзур бўлди.

Раҳматилла ШЕРАЛИЕВ,  
«Халқ сўзи» мухбири.

## Бунёдкор ёшлар шижоати

Олий таълим муассасалари талабалари, касб-хунар коллежлари ўқувчиларидан иборат гуруҳларнинг ҳар ёзи таътил мавсумида қишлоқ хўжалиги ва бунёдкорлик ишларида яқиндан ёрдам бериши эзгу аънаёнага айланган. Бу йил мазкур юмушларга маҳаллардаги уюшмаган ёшлар ҳам жалб қилинган алоҳида аҳамият касб этаётди.

— Жиззахлик навқирон авлод вакиллари «Бунёдкор» гуруҳларига бирлашиб, вилоятда олиб борилаётган қурилиш ҳамда ободончилик ишларида фаол қатнашмоқда, — дейди Ўзбекистон ёшлар иттифоқининг Жиззах вилояти бўлими раҳбари Ориф Шукуров. — Кўнгилли йигит-қизлар меҳнат тури ва шарт-шароитдан келиб чиқиб, махсус кийим-бош, тураржой,

тиббий хизмат ҳамда иссиқ овқат билан таъминланаёпти. Айти пайтда воҳада «Бунёдкор» ёшлар меҳнат ҳаракатида 3525 нафар навқирон авлод вакили иштирок этаётди. Ҳар бирига муайян ойлик маош бериб борилмоқда.

Толибжон ЭРГАШЕВ,  
«Халқ сўзи» мухбири.

## ТАШАББУС

Реклама ўрнида

## Qishloq Qurilish Bank

Қишлоқ жойларда янгиланган намунавий лойиҳалар бўйича қурилаётган арзон уй-жойларни олиш истагида бўлган фуқароларга ипотека кредитларини ва «Қурилишга бошланғич бадал», «Мадад» омонат турларини таклиф этади.



Замонавий ва шинам уйлар оилангизга файзу қувонч келтирсин!

Мурожаат учун телефонлар: (0-371) 150-72-58, 150-39-93. www.qqb.uz

«Қишлоқ қурилиш банк» — фаровон ҳаётингиз хизматида!

Хизматлар лицензияланган.

## Спорт



## Ёш боксчиларимиз Осиёда тенгсиз



Таиландда бокс бўйича ёшлар ўртасида ўтказилган Осиё чемпионатида Ўзбекистон терма жамоаси аъзолари бешта олтин, учта кумуш ва битта бронза медалларини қўлга киритиб, умумжамоа ҳисобида биринчи ўринни эгаллади.

Нуфузли мусобақада умидли боксчиларимиз томонидан эришилган ушбу ғалаба халқимиз томонидан қатта гуруҳ ва ифтихор билан қабул қилинди. Йигирмадан ортиқ давлат вакиллари орасида энг яхши кўрсаткичга эришиб, давлатимиз байроғини баланд кўтарган спорт-

чиларимиз Тошкентда қатта ҳурсандчилик билан кутиб олинди. Унта вазн тоифасида ташкил этилган мазкур Осиё чемпионатида ўзбекистонлик умидли ёш боксчилар тўққиз вазнда ғолиб ва совриндорлар сафидан жой олиб, ўзбек бокс мактаби кудрати ҳамда нуфузини

яна бир бор кенг намоён этди. Ҳамюртларимиздан Самандар Холмуродов, Фаррух Илқомов, Ражаббой Отаназаров, Профсор Роримша ва Лазизбек Муллажонов мурасасиз беллашувларда ўз рақибларини мағлубиятга учратиб, Осиё чемпиони, деган шарафли номга сазовор бўлди.

Абдумалик Ҳалаков, Билолбек Мирзараҳимов ва Темур Эргашев кумуш медални қўлга киритди. Яна бир вакилимиз Саиджамшид Жаъфаров эса бронза медал билан тақдирланди.

## Ҳамюртимиз қитъа чемпиони

Ҳиндистоннинг Бхубанешвар шаҳрида спортнинг енгил атлетика тури бўйича Осиё чемпионати бўлиб ўтди. Йигирма иккинчи бор ташкил қилинган қитъа биринчилигида 45 мамлакатнинг 800 дан зиёд атлетлари ғолиблик учун кураш олиб борди.

Этиборлиси, Ўзбекистон терма жамоаси аъзолари ҳам қатнашган мазкур нуфузли турнирда ҳамюртимиз Надия Дусанова олтин медални қўлга киритди. Спортчимиз баландликка сакраш мусобасида 1,84 метр натижани қайд этди ҳамда Осиё чемпиони, деган шарафли номга сазовор бўлди.

Дусанова ушбу ғалабаси билан август ойида Лондонда уюштирилган жаҳон чемпионати йўлланмасини ҳам қўлга киритди.



Тошкентнинг «Пахтакор» жамоаси Ўзбекистон олий лигасининг 2-даврага пухта ҳозирлик кўриш мақсадида ўз тарихини янги футболчилар билан тўлдирди. Клуб марказий стадионининг анжуманлар залида уларни кенг оммага таништириш маросими бўлиб ўтди.

Унда жамоага қўшилган Элдорбек Суёнов, Шерзод Аъзамов, Забиҳилло Ўринбоев, Гиди Канюк (Исроил), Тиаго Безерра (Бразилия) қатнашди.

Дастлаб легионер футболчилар Гиди Канюк ҳамда Тиаго Безерра клуб билан тузилган шартномаларга расман имзо чекишти. Гиди Канюк «Пахтакор»да 52-рақамда ўйнайдиган бўлди. Тиаго Безерра эса

## «Пахтакор»га бразилиялик легионер келди



77-рақамни маъқул кўрди. Шундан сўнг Элдорбек Суёнов, Шерзод Аъзамов ҳамда Забиҳилло Ўринбоев ҳам шартнома имзолашди. Э. Суёнов 25-рақамли,

Ш. Аъзамов 70-рақамли, Э. Ўринбоев эса 71-рақамли футбол либосларида тўп сурайдиган бўлдилар.

С. ИСЛОМОВ тайёрлади.

Жорий йилнинг 10 июль куни

## Fitch Ratings

халқаро рейтинг агентлиги  
ТОМОНИДАН



## «Микрокредитбанк»

акциядорлик тижорат банкининг

халқаро рейтинг кўрсаткичи

«В+»

## «БАРҚАРОР»

деб баҳоланди.

Хизматлар лицензияланган.

Халқ сўзи  
Народное слово

## МУАССИСЛАР:

Ўзбекистон Республикаси Олий Мажлиси  
Қонунийлик палатаси Кенгаши, Ўзбекистон Республикаси  
Олий Мажлиси Сенати Кенгаши ва  
Ўзбекистон Республикаси Вазирлар Маҳкамаси

## Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигинда 0001-рақам билан рўйхатга олинган. Нашр индекси — 229. Буюртма Г — 745. 80 034 нусхада босилди, ҳажми — 2 табоқ. Оффсет усулида босилган. Қоғоз бичими А—2. Баҳон келишилган нархда.

Газетамиз ҳақиқий маълумотларни қилиб олиш учун ОП-кодими телефонингиз орқали сканер қилинг.

## ТЕЛЕФОНЛАР:

Девонхона (0-371) 233-52-55;  
Котибият (0-371) 233-10-28; Эълонлар (0-371) 232-11-15.



Таҳририятга келган кўрсаткичлар тақрир қилинмайди ва муаллифга қайтарилмайди. Реклама материаллари учун таҳририят жавобгар эмас.  
Газетанинг сўзлаб берилиши учун обунали расмийлаштирилган ташкилот жавобгар.  
Газета таҳририят компьютер марказида терилган ҳамда оператор М. Бегмуратов томонидан саҳифаланган.  
Газетанинг полиграфик жиҳатдан сифатдан чоп этилишига «Шарқ» нашрийт-матбаа акциядорлик компанияси масъул.  
Босмахона телефони: (0-371) 233-11-07.

• МАНЗИЛИМИЗ:  
100000,  
Тошкент шаҳри,  
Матбуотчилар кўчаси, 32-уй.  
Набатчи муҳаррир — Қ. Хидиров.  
Набатчи — З. Ашурова.  
Мусахҳиҳ — С. Исломов.

«Шарқ» нашрийт-матбаа акциядорлик компанияси босмахонаси. Корхона манзили:  
«Буюк Турон» кўчаси, 41. ЎЗА якуни — 23.05 Топширилди — 02.15 1 2 3 4 5